

大清光緒十三年

本館新聞除禮拜外日出一  
張外埠均可函致本館取  
閱如外埠閱報加寄費可  
也除日報照常刊送外復不  
惜工本從英國採辦新式  
紙各機器以待與各官商  
刊印書籍單件並有英國各  
種活字及各式花邊等延有  
西人操印工藝甚精所有中  
西文字均能刊印並有石板  
印字大小機器均用精工

第一千七百七十一號

# 申報

本館開辦在英大馬路門牌五號

印工總絕倫諸君有文士書  
寫各體文字現由上海另行  
刊佈所有各項價甚相宜再  
本館所登來札原擇其有關  
世道人心者附登否亦須無  
礙於人而後始錄其有謬  
成文以及支離費解者概不  
登報嗣後諸君來札向所  
自諒更須寫真附里而後敢  
登但來稿登與不登均不能  
將原稿收回也 本館謹白

丁亥八月廿七日

凡閱報者每月銀一元每日售錢五仙(大英一千八百八十七年十月三十號禮拜四)凡告白第一日每一字一仙第二日以下每字半仙

本館佈啟 ○啟者本館所刊來札須要書明姓字而後敢登業已列明報首上 諸君近  
所寄到來函囑登本報多有諱其名姓彼詩文等類以筆墨為消遣者猶有可原乃有涉及時事者亦目諱  
其名似此照例不取為之登報茲特再為詳告嗣後 諸君有來札囑登本報者務宜明示姓名如以  
之刊報或有不欲沽名特為諱去者當可另用外號以登報紙而所投本館之信亦須寫明名姓似此方合  
體裁若但用外號是為匿名實有礙難登報也茲特佈告 閱者諒焉 本館謹啟

## 續論誠實乃為人之本

何謂自勉處困而志益奮處屈而操益勵窮而不廢自修顯達而不喪所守困之愈甚持之愈堅即極之  
不堪猶孜孜然弗少怠焉此自勉之功也何謂謹慎小心不以有得而誇不以處安而懈不以有所恃而  
謂即鴻毛遇順運處其亨而憂盛危明仍不放自放小心翼翼惟恐或蹈非幾不必憂患已來險阻已至始  
為之張皇以應其預備於平日者深矣有備則無患此處世之良圖不論貧富皆當如是此所謂謹慎也何  
謂善承機會事之將發者曰機不可失時之偶值曰會不再來能善承之者事半功倍世嘗有藉手有具  
獲意外之奇逢而或失於優游或失於魯莽或諸多端好振奮不謂以至不易得之遇由此坐廢誠可惜也  
故非善而承之則非有為之士何謂不忽小事才大者不屑小事才大者不屑小事才大者不屑小事才大者  
於幾微而致敗於垂成者小事不忽則才識密矣何謂自能解情此從真積歷久而得一旦豁然貫通之效  
而所至無所窒礙無所滯滯矣凡此非誠何能致是哉故為士而能誠雖以文人學士下為俗務賤業無所  
恥也趙岐實解於北海市中沈麟士織屨讀書手口弗輟天下後世不特不輕之且更從而重之為吏而能  
誠雖以高才盛德而必俯就其所司而不敢廢其職守昔程明道僉書鎮南判官筭庫細務無不盡心履平  
反重獄蘇子瞻僉書鳳翔府判官或疑其為文人不諳練吏事乃子瞻盡心其職能使吏畏其長伏二公之賢  
於是夫益見非隨時隨地充裕其誠之一字安能如是哉不特為士為吏惟然也即商賈亦何莫不然夫猶  
顧爾朱豈真能察察盛衰別有術哉蓋能見之精審之確知何物則由極而反於棄取之際善為權衡故值  
中不說可以致富倘非平日心有定識何以如斯而定識之由來則由於修誠得其要也蓋心無歧慮得主  
有常用能甄奧遠微以探其要所以三年而巨富若不思無道以生財也者然則誠也者持躬處世之要  
待人取物之宜無不從此而出焉世間一切事苟非有誠之一字以貫乎其中則所謂交際之道亦偽而已  
矣爾室周旋僅同世故暫時際隔已昧平生以至於送迎皆接離合悲歡長亭之饒遠浦之行天涯海角之  
演劇則將所謂境也遇也情也三者無一非偽也何則因無誠以將之也苟無誠焉則將所謂忠臣孝子悌  
弟賢妻良朋密友皆偽焉而已夫五倫關於天性猶有偽藏乎其中而況應酬交接之問其鬼蜮之謀趨避  
之術不更相交以詐無一非危險險乎哉故為人貴有一誠則可以格天地驚鬼神貫金石孚豚魚以之  
立朝右處家室行乎鄉黨州里無不雍容和協和協怡優游即有時有所難處者亦必為其所感化惟天下之  
至誠能使偽者當前見之而知愧悔故詐之行潛消於不覺歟抑於無形久之則如入芝蘭之室與之俱化  
蓋已入乎薰陶涵養之膏也誠之為用中庸一書言之詳矣此不過言為人之端而已因見世人之中多  
不解用誠字一法而徒權術相尚故世道每况愈下即杯酒之地猶屬險途不禁慨然作此陳說

## 埃蘭爾事電音

○廿四日英京發來電報云現國家雖力禁民間私議惟彼頑民不法仍常聚眾  
會議如前埃蘭事之棘手如斯正不知如何設法也

## 摩魯哥事電報

○廿四日英京發來電音云前電有言摩魯哥王薨逝一事刻接續耗言王並非  
作古不過染病垂危而現遇其病略為痊可矣

## 馬國電音

○廿四日土耳其都城發來電報云現馬國臣民會議時所持之論為國者多為民者  
少蓋國中之民多有俄人聚處其志向有所不同故人多為國也至花里蘭親王及其首相就模刺付近日  
出遊民間諸百姓見之無不踴躍嗚呼然則馬民戀王之切可知而知民心如斯又豈外人所能惑者耶

奇花寶貴

○西人於花木一事最為嗜好無論山花野草其異於凡卉者每得不惜重價購回俾月謝風雨晴晦而得供賞玩現在英京到者生花二種其類甚繁人爭購之遂獲重價計得銀共六千磅內有一盆尤為寶貴其沽價至二千餘元夫以盆花之微而得值三千餘元則其貴重可知而西人之愛玩花木亦可於此以見一斑

設領事

○中國前派王余兩委員到南洋一帶口岸查核華商情形一事現聞二委員回粵之後將所查情形稟報於張香濤制軍由制軍咨照總理衙門現聞總理衙門已准其在新金山一帶籌設領事之區為華商所屬集者設立中國領事官俾資保護云

核議要耗

○接橫城總商會來郵耗云前者橫城商會因本坡所設華商新章事業經發電至英京實得力會董事處求為代請英廷將此例暫緩舉行俟接中寄往之陳情表文後再為定奪云云旋接英京覆電謂此事已請於英廷准如所請矣

制府行期

○新任叻嶼甲等處地方總督施制府來叻之期迭經報錄刻聞衛制府交卸之後該定於九月朔日即偕其夫人公子等附航回國矣

水土宜知

○法國商人議在太平洋附近之班那馬地方開河之事前經列報在法人之意擬在中國招工以供開濬之役茲聞西報有謂該處水土惡劣甚難居住前曾有人數十名往該處充當工頭及繪圖等事現已死亡殆遍所存者實無幾人查該處土人皮色黧黑類亞非利加族類於此生長習慣自然性甚耐勞且不畏水土之劣法人向以此輩以充工役現在諸土人亦紛紛辭去不敢於此作工蓋該處風氣既深且風濕素盛今更聞河濬動其沉陰之氣故每每不能抵禦常有觸之而死者是以即土人亦不敢任其役也夫土人且不敢居於此地則他人更可想而知今法欲僱請華工大抵亦因土人不願任其工役人不敷用故致延請華人但以此中情形觀之華人若往誠恐百不一存然則欲賦壯遊者亦須幾費籌謀而後始可戒途前往也

漢拿魯事詳述

○西報云漢拿魯人民有揭竿年起亂一事據言國王嘉拉圭素信任首相樂斯伯爾克斯言聽計從久如魚水樂君亦運籌大局勉勉從君臣相得如也去年不知何故因報銷案內詞涉陰謀王怒制其職乃以前外務大臣名莫力琦伯與者代之莫固賦性陰詐奸大喜功者也既用事擅作威福獨行對防之權前議政同寅凡有拂意者一概擯斥權阿從者以補然尚未能固結王心也因上疏請王上太平洋王尊號行加冕禮王從之爰大開慶會盡事賓席前數年王因莫力之請特遣其親王游學意大利亞親王童年心性胸無智珠悅聞女某重聘娶以歸後俄皇下力山打第三御極莫動王從諸大邦後遣使聘賀今年英皇舉行五十年御極盛典王后亦畢阿拉尼從莫力之請親涉重洋赴英京致賀有是數舉而國帑空虛度支告匱不可開矣因將歷年所藏庫庫傾倒出之未足告貸於英教銀行籌洋二百萬元契約六釐起息而尚未足又奪戶部公款補之舉國帖將洋票出入一項收為國稅其願在國中專持利權者須先捐銀七萬五千元方准在境中貿易商人領險當即集股應銀輪捐領帖知莫故意弄人發帖不止一張徵銀不止七萬五千元商人既受欺弄遂會議紛紛合詞稟訴莫謂若罔聞反以戲弄為得計於是上下交憤民心激變一盤逆造眾志成城王見眾怒難犯乃拘莫力而繫之獄許以按例重懲又請英法合眾三國領事官從中排解聞事多端民心始定而亂以平據聞刻下執政諸臣已一律更易國中亦離離如和觀此事之終始皆以莫力夜郎自大好事神張假公濟私蔑王尊已故以窮荒沙島小邦併值度支空乏之時與諸大國爭衡籌金如土此莫之不知自量宜其烈禍及身受辱幽囚為天下笑也然若改其偏執之性繩之以中庶實之以明辨則經天緯地致君澤民猶反手耳然曠觀斯世若莫力其人者豈無有哉此我所以為莫力惜而非專為一人惜也按漢拿魯為檀香山京都之名西人譯為阿瓦希而阿瓦希為三德梳支羣島之冠故地理家亦即以阿瓦希名羣島地在日本之東美洲之西緯線在赤道北二十度經線在北京東八十五度離太平洋中島亞細亞美利加澳新尼亞三洲樞紐立有通商要埠帆船絡繹百貨駁羅土地肥饒盛產蔗糖一物計一年所出可得銀餅一千萬元其他土產不暇計合羣島居民以今日計其土著者約四萬人華民二萬人英吉利與日耳曼之來自美洲者亦二萬人葡荷牙人約得一萬統計得九萬人國中治權統歸一君下有議政院薩兵百人將弁千人水師總督一人兵輪一艘此其治權之略也因言島中時事故略筆及之

槍花瑣記

○廿二夜牛車水戲園前一片喧嘩甚形騰沸詢觀者始知是時適有妓二人道經該處猝遇男子數人一見妓面不交一言即執一妓之手而行所餘之妓因呼救而追且行且追而被擄之妓則不發一言隨該男子急足而去不能追獲據說者被擄之妓久懷去志故約所歡借還不然胡被擄時竟不一言呼救也理或然歟

鬧姐被執


○潮人蔡六無賴之流也選事滋端是其長技廿二晚至長泰街某勾欄中觀戲時該妓適以事未暇故禁立房門外少候妓始至為之叩門詎蔡因是謂妓慢於應酬其心甚怒乃坐於房中須臾候妓他往遂將其大鏡毀破即忽忽出門去詎蔡毀鏡時其聲甚厲為妓所聞乃急入房看視見其鏡已破知係客所為乃急追下樓時客已在大門以外即追出執之蔡怒以掌推妓墮於溝中而後去妓即大呼救命時適有巡差在側乃將蔡執獲翌日解送府堂廿四日禮太守提訊各供以蔡恃惡鬧娼殊為無賴因判罰銀廿五元無銀監禁三閱月期滿釋放之時更須自覓保人署立保券廿五元保其三閱月不得滋事



巧機火爐火爐大爐之器具及大小輪船汽機鍋爐各種新式鋼鐵器皿一應俱全無不堅固耐久以便合用諸大甲地方本公司開股有分廠

機

爐




代中西土新修各種機器工價格外公道如有貴客賜顧者請至本廠面議特此佈告 西一千八百八十一年十二月廿六號 賴來安公司啟

侯活亞士堅公司告白



啟者本公司向來開股本坡久為中西商所賞識茲承中汝末公司之命託本公司代售機器之人本公司既受所託不得不代為力肩任將該公司辦事之誠製造之美以及貨物之多盛舉以告內 諸商翁知悉該公司向來開辦英京歷久無異素為英國人所賞識不特為英國人所賞識又為鄰國人所賞識不特為鄰國人所賞識兼且為天下各國人所賞識蓋因該公司立心持平交遊盡善物料既美製作亦精所以能遠美譽於本國鄰國及天下各國者皆為此也現計該公司所製造之機器甚多筆墨難以盡述更僕不可備舉至該公司自舉不備詳所見並不過略舉其大概言之亦存什一於千百中之意耳至該公司現擬運到本公司存貯代售其中件數堆積如山即不可枚舉茲因篇幅太狹不能盡錄以備 諸商翁覽擇其要而通行者略登報端以為 諸君採擇焉如木厚木薄皮帶等其價較別家稍為相宜而貨亦確屬實為特妙請 諸君移玉到本公司一觀真有所聞未盡所見之概不啻遊山陰道中令人接應不暇矣至本公司又有製造做大舊之機器以及水厚等各機器亦是名目太多不能備列謹此奉告倘祈實然賜顧為慰 再本廠現運至工部局貨倉左鄰 諸君光臨請移玉趾是荷 大英一千八百八十七年三月一號 侯活亞士堅公司謹啟

蜜酒出



啟者本行由歐洲辦到上等密酒來叻發售其酒甚佳茲將標頭印出請君光顧祈為細認免致有誤倘有無恥之徒假冒本行銀匙標者本行定必嚴為控究再此酒不能販往加勝吧 三寶 泗里末 望加錫 檳榔嶼 日裡等處其他各埠均能運往並此佈聞 一千八百八十六年十一月十日 明嗎也洋行謹啟



中外眾國有限保險公司

啟者本公司總局設在香港多年備有資本銀二百萬元已先收股份人來銀六十萬元及餘存銀六十萬元在叻係本行代理承保各商貨物船隻運送輪船往來各埠其保費均用照例所有花紅之銀俟結賬之後按股分派前一千八百七十八年一千八百八十年每股得利息銀計五八仙又一千八百八十年至一千八百八十二年每股得利息銀計一八仙諸貴商賜顧者請至本行就相商可也 大清光緒九年 月 日 英一千八百八十三年八月廿七號 毛質德公司謹啟

啟者現本館新由上海到石印字樣各樣多約計百餘種茲以廉價發售諸君欲採辦者請到本館選閱是荷至其書目太繁不能殫述凡富貴人家可也 本館謹啟

**本館告白** ○敬啟者本館自開設以來承蒙各外埠 諸君子不棄時有所投或一紙書傳奇異或半寸緘至報籍分屬固屬 諸君子之雅愛亦本館主之所樂聞也但是交到魚書多有未經貼用書信館之印單者竊查信館定章與凡郵寄之函件若未先買印單貼發 信到之日則照索寄費雙倍以故本館於此一項賠墊日多故不能不據情佈聞敢求茲後凡有惠寄本館之信務祈買單貼發自此以後 印貼之單信則本館一概不收不拆希勿以方命見責是幸預為佈告即請 文安不宣



No. 1934.

**英國新出頂上花露水出售** ○啟者本公司所製之花露水及高浪水最為佳製其香之清而且久非尋 可及素已馳名歐洲用此水者莫不噴噴稱爲妙品歷經荷蘭領事七次以獎其佳然則其妙處可知茲 爲通流故特佈告倘 諸君有欲採辦者祈請函致本公司取討價單便知一切特此佈 聞

加刺安巴馬厘公司謹啟

**印度大藥房告白** ○啟者本藥房自去冬開張以來多蒙城中諸君賜顧故現在親自向歐洲督辦頂上真料各種藥材不時預便 甚相宜無論男婦老幼病症輕重如要醫治請到館示知便即登門看症分別發藥手到回春每日開門擬自晨早七點鐘至晚十點鐘爲 諸君有就教者請 移玉至小坡大馬路實得力馬房對面第七十五號門牌詢問便得併此佈 聞

西醫張寶萬謹啟

**三寶瑞洋面火燭保險公司告白** ○保險公司之設愈出愈多競爭長均無不謂己之公司爲盡善盡美總之各有長處惟其價之 廉者始爲有益於投保諸人茲本行已承三寶瑞洋面火燭保險公司之命 爲駐叻代理人以代保一切洋面以及火燭平安保險所有保 無不格外從廉爲自來所未有其二號保險係由叻寄貨往港者照平常保費更現扣廿八仙外并增扣廿八仙然則其價之廉較諸別家勝之 甚遠倘 諸君有惠顧者請移 玉至本行面議而本行寫字樓係在墊邦路頭南生及豐興兩店之中茲並錄明此佈

代理人福蘭洋行謹啟


**還金義重** ○初八日余以事至源順街長源號店前坐談不覺有銀紙一百元遺於地上須臾余既出門去此銀紙遂爲同寓助報 工伴林媽讀及蔡水二人於無意拾之乃二君檢此多金知係他人所遺先已遍問助報館及長源號諸人均無失查嗣余尋至二君乃慨出 還還余并無少欠余謝以查弗受因深感其高義竊思林蔡二君不過助報館之工人耳月中所入不過數元之資乃亦見利不貪求諸士 中亦難多道乃不意竟見之於二君也似此高義世罕逢感激之私無從圖報因錄數語附於報中藉以表揚盛德云

小坡吉靈人毛含密實通謹頌

**美國峇打妙厘號新欸時鏢出售**

敬啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之 靜時之寒暑均無不驗所行暑度累黍無差且閱一月之久而亦不外分秒之時一利也且其鏢之行不惟甚準而堪令人憑信不致觸目生 二利也又其鏢機輪甚佳且殊堅固最堪耐久即便平湮代遠亦無廢壞之虞三利也至其鏢製甚精不惟適用而且美觀令人見之愛不釋手 四利也矧其價復甚廉較之他表殊爲省費五利也有此五利則誠非尋常可及且買此表者可保其用一年無須修理且一年之後即須修理 亦無庸照其時價若他表須二元始能修理者而此表則不滿僅六角之資即能修復甚且無須六角蓋其機器係爲新創其製造之法甚且 易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘號製有表鏢之多各欸俱備且 其欸最新其工最巧較諸近來行用者又勝一籌矧其價復甚廉誠非他家可及而峇打妙厘號製有表鏢之多各欸俱備且 其真附倘諸君有欲購者請至本坡各洋雜貨店中相問如該貨未備則請至本行面商本行坐落土庫後街匯豐銀行之鄰 諸君惠臨 移 玉趾至於本坡則惟本行代理並無別家並此佈聞 諸惟惠鑒

莫實得洋行謹啟



**Charles Heidsieck's White Seal Whisky** 三品酒出售 ○啟者本行督辦歐洲馳名三品洋酒來叻發售其酒係三頭欸式發售有年沽飲 諸君莫 不稱其香美奈近有無恥之徒假冒本庄三品酒欸式以圖魚目混珠情殊可恨嗣後 諸君沽買本行白 三品酒者請細認本號招牌之內有小紙包頭註華字新 爲記也公司者始佳若無此字樣即屬 請爲細認特此佈 聞

大英一千八百八十五年十月廿九號

明碼也公司



沉舟遇救 ○閩人某寓居直落勿蘭牙地方二十五日替其婦以事來坡因喚一小舟欲至石叻門地方登岸詎其舟已舊不無破損方及半江之際適與某輪船相遇雙輪機水波浪翻騰以致其舟沉溺於江中夫婦均墮於水裏幸時適有某果船頭過乃將其夫婦拯起過船故免於難然包裹洋傘與夫銀環首飾則已聞諸水濱矣不幸之中有幸其斯之謂歟

掠妓又聞 ○昨報牛車水戲園前有掠妓一事乃不日又聞有掠妓之事何此舉如是之多耶牛車水新豐香娼寮有某妓方領牌為娼者不過三四日間該妓曾借寮主人銀三百九十七元而該寮即在對門稅斗室以為安頓家人之所升三日黃昏之際妓在家晚餐已畢即返寮中詎方出門即有一男子至執妓之手而行時寮中人趨出追之其人乃疾聲喝捕未幾巡差趕至因帶於寮中翌日禮太守堂訊該男子為原告供稱妓本其妻前數日不知何故被人拐去今適相逢以故到堂控告求還原配耳太守訊畢因以該妓供供如前太守乃斷妓歸其夫領去云

鳳閣秋輝 ○自清江浦至山東而迄直省所需開運河經費由張撫軍會同李爵相奏稱需銀二千三百萬兩敬悉 朝廷已飭戶工等部大臣會議矣○皇太后於日前 召見欽天監花翎五品銜左監副井太史丞衛垣殷殷 垂詢憂感星見之休咎仰見 皇太后敬天順時遇災修省之至意○京都宣武門外南橫街南頭城隍廟素著靈應每年至七月十四十五兩日城鄉大小人家婦女多往燒香還願有潔妝淨飾縐紗素裳者有抹粉塗脂花團簇者擊婢婢奴結縵不絕又有十六七歲女郎或為父母病延年或為自身身屏弱虔誠還願帶手枷垂項練身穿紅衣或走二三里或走四五里度度拜香一步一拜直至廟門浮薄少年成羣結隊隨後瞻前往過來續門庭為之塞塞至或賣玩物或賣菓品有担者設攤者靡所不有其多更無論矣佳會逢佳節亦遊觀之一勝也○都中金臺書院文風最盛但從前將火花紅甚屬菲薄故與考者亦不多近年膏火照例而花紅則倍之又倍能得案首獎賞銀竟有二十餘兩於是諸作者罔不用心揣摩不敢苟且閱者亦細意評隲不敢草率文之佳者無不鴻材奪錦而劣者不得魚目混珠近考秋季甄別計卷盈千可想見大君子獎勵之深衷而都人士應互相為之觀摩矣

海外巫風 ○臺灣男婦素信鬼神多有愚而不可解者前月某日為駐紮西索大王賽會之期旌旄寶蓋戈盾斧鉞之屬畢引於前不計其數向無足怪會中有神輿數乘輿上各有一人高立於後髮散亂手執利刃兩頰頻穿一鐵條有長至四五尺者面而汗流淋漓痛苦狀時復旋轉疊決或左或右神輿為之搖動輿者疾趨如風降巫之奇於斯為極竊謂鬼神一道本屬若有若無即或信之甚深又何必效此以自苦豈鐵條之所穿者非皮肉耶抑不如此鬼神即因之降災耶是在賢有司之平時禁諭矣

案情轉輾 ○拐販華人出洋素干例禁而狠子野心之徒視人命如兒戲誘誘誘為生涯陽奉陰違祇知飽其食豈不顧離人骨肉受其陷害飲恨含冤無可申訴者已不知其幾矣日前有新安縣屬吳某以其子桂華於數年前被同邑周三貴在香港拐販外洋歷盡艱苦於今春始歸兩歸家備述情由懇其父向周某贖還不至慘死異域情辭慘切令人不堪卒讀吳某接信後即投訴周族紳耆不為理處隨赴新安縣具控經邑侯勸傳周某到案兩造質證旋以拐無確據訊成信讞周得囑託紳士為之幹旋邑侯已准將其案註銷並飭吳某具結完結吳斷認膝而免翻控詎正在辦理間邑侯倏接省憲札諭到縣內開縣屬周三貴現據欽命出使美日秘大臣張咨稱周某曾與洋人立約代招華人數千名前赴拿馬地方充當開河工役陸續已載到數百名似此私約拐販陷害愚民請即拘究庶絕根株而衛民命等因札到該縣限期一月內務須設法將周某拘案解省以憑訊辦毋延該令奉飭不勝驚詫遂不動聲色突將周吳原被兩人暨所控拐案情節一併解省刻下周某奉押羈所但迭次研鞫尚未成招而吳某則暫留候審公所聽傳對質亦未得脫身事外日昨遞稟求釋縣批不准須俟訊明拐販實情澈底根究務期水落石出方能省釋云特未悉將來此案作何審結耳噫多行不義必自斃然則執法嚴私之輩豈能徇情徇私哉

開礦得人 ○外洋新聞紙云出使日本國隨員于續臣司馬德懋從公日本六易乘船辦理各國交涉事宜精明允當於日本之國語人情亦甚熟悉茲聞欽奉 特旨飭聘外洋礦師伴送赴滇交唐鄂生中丞差遣委用司馬於奉 旨後即星赴日本腹地親履各礦于生野山金銀銅官礦詳訪選聘上等礦師山田欽一藤野幸造二君先經該地礦務長官力保學術優長又經 欽差出使大臣徐壽麟星使照會日本外務大臣詳酌考驗始許應聘查山田藤野二君均為日國考取大學前列人材領有文憑早獲工學士官階級名聲超起又按日本仿行西法後視礦務為專門名家之學考試格外認真列入大學殊非易易該二師既經考取之後復派至生野山歷事多年所造進且曾歷泰西各名礦游學考驗後方回日本而於查看五金礦山苗脈及開挖事宜並用機器煉煉製給圖分化一切極稱精幹現為中國聘訂立約三年于司馬已促該師等將經手公事交代清楚購齊要用機器即赴雲南開採從此中華地寶源源而出 聖朝之福生民之幸也

組豆常新 ○左文襄公令名垂竹帛勳業燦爛區區兩兩大傳略豐功尤彰彰在人心目聞人望之如泰山斗北每圖為之形像置諸家中朝夕香火供奉如神明藉非有大功德於世何能令人欽敬若是哉七月廿七日為公忌辰是日楊石泉制軍暨文武官員均往水部外相祠拈香致祭醺飲而散冠蓋紛紜殊形熱鬧

京報選錄

○頭品頂戴四川總督臣劉秉璋跪奏 為川省機器局支用經費照章造冊報銷恭摺仰祈 聖鑒事竊查川省設機器局自光緒三年十月起至十一年十二月底止業將支用經費各款目先後奏報在案前據辦理機器局員署理成錦龍茂道鍾華立候補道黃錫爵會詳奏准部定章程各省報銷以後必須分晰造冊每年奏報一次不得籠統含混等因查川省機器局自光緒十二年正月初一日起至十二月底止局中修理機器一百六十三件修造各營洋鎗一千三百八十九杆續造機器三十三種子母炮一尊格炮一尊新造機器一百七十八件造成各樣洋鎗二千四百四十三杆已成藥彈二十三萬四千四百顆大桶二百一十五萬顆已成洋火藥八萬一千四百八十斤均經驗放合用已陸續送部存儲以備應用其未合成鎗炮藥彈銅帽等件歸入下大報銷所有局中支用修理房水機器及採辦各項物料並委員薪水匠作工資各費均照原奏不動司庫正款均於土貨釐金項下開支統計十二年分共支用庫平銀六萬七千七百七十一兩二錢零遵照部定新章分晰造冊詳請奏咨核銷等情前來臣覆核無異除冊送部外合恭摺具奏伏乞 皇太后 皇上聖鑒 奏奉 硃批該部知道欽此

○尚書降一級留任甘肅新張巡撫二等男臣劉錦棠跪奏 為男子拒殺斃命核明定擬恭摺具陳仰祈 聖鑒事竊伊等客民馬寶爾拒殺斃傷馬三牛身死一案據前署伊等撫民員知上官振勳驗訊填格通詳批飭審擬適上官振勳因另案撤差移交接署同知縣恩恩嚴審明擬詳由鎮道兼按察使銜恩恩核轉臣覆查核該回民馬寶爾籍隸秋道州光緒十年到伊等備工十一年與同教之馬三牛合伙種地一炕住宿素好無嫌五月十七日夜馬三牛強姦馬寶爾不從跑出院外哭鬧經同院之馬狗娃子聞聲趕視詢問情由馬寶爾等均不明言馬三牛拖住馬寶爾鬚髮強拉進房馬寶爾不肯馬狗娃子叫馬寶爾即便進夫看他如何馬寶爾始進房內睡不一會馬三牛要姦姦並說如再不肯明日送人便告就說已被姦姦使其無顏對人馬寶爾氣忿坐起啼哭馬三牛始行睡臥馬寶爾越起越氣羞忿難忍聽得馬三牛睡熟即拿枕頭石塊打傷馬三牛偏右馬三牛驚醒馬寶爾乘石順拿枕頭邊靠著鐵線連砍馬三牛右耳根兩下隨喊馬狗娃子看視馬三牛傷重延到天明身死馬寶爾即報知鄉約自行赴案投首經伊等撫民員同知恩恩訊通詳批飭審擬由鎮道兼按察使銜轉詳到臣覆核無異自應按例開擬查辦職男子拒姦殺人如死者年長兒犯十歲以外確係拒姦起衅並無別故兒犯年在十六歲以上無論登時與否照例擬殺罪人律擬絞等語此案兒犯馬寶爾年二十一歲已死馬三牛三十六歲是死者年長兒犯十歲以外該犯堅供實係拒姦起衅並無別故自應按例開擬兒犯馬寶爾合依男子拒姦殺人死者年長兒犯十歲以外確係拒姦起衅並無別故兒犯年在十六歲以上無論登時與否照例擬殺罪人律擬絞絞監候據自首無因可免毋庸置議馬三牛強行姦姦有應得業已身死亦毋庸議無干省釋屍棺領領理兒器案結銷燬是否允協除全案供招咨部外合將男子拒姦殺斃人命核明擬擬緣由謹會同署伊等將軍臣錫綸恭摺具 奏伏乞 皇太后 皇上聖鑒 飭部核覆施行 奏奉 硃批刑部議奏欽此

○楊昌濬片 光緒十二年分部擬地丁京餉銀二十萬兩當經飭司籌解並因部議停止通兌會經奏明閩省並無現銀擬令號商先行墊解俟解到上庫日期提款發還暨先後委令補用同知劉鈞候補知縣李鴻霖錢益通判林達年李春輝督商籌墊銀一十六萬兩解京投納在案茲據復解地丁京餉銀四萬兩委令候補通判沈學海督同號商如數籌墊進京投納該委員定於本年六月十三日起程仍俟報到上庫日期再行由閩提款發還領據福建善稅後釐兩局寄道具詳前來除咨送照外臣謹恭摺具奏伏乞 皇太后 皇上聖鑒 奏奉 硃批該部知道欽此

滿刺煤礦招工 ○敬啟者茲納閩滿刺煤礦業已開辦需用工役甚多奈人數尙不敷用茲欲在叻僱請華工一百名往該處以司取煤之役此項工人無論長工散工均聽其本人自便 諸君有願就斯役抑或薦人前往者可到本行面酌是荷  
大英一千八百八十七年十月十三號 然申洋行告白

黎俊英同叻 ○敬啟者余自去年春間旋里經於前日乘坐鐵行公司輪船返叻倘 諸君有欲就醫者祈移玉至馬車街第十八號門牌永裕順號內詢問便詳特此佈請  
大清光緒十三年丁亥八月二十七日 黎俊英告啟

西國雜貨出投 ○敬啟者茲承刺勿釐雜貨公司之命定於西本月十三號即華本月二十七日禮拜三上午十點半鐘在刺勿釐之公司拍賣婦女所用之布疋及玩器等甚多巧妙異常 諸君合意者請屆期 玉臨投買是荷  
大英一千八百八十七年十月十二號 吉靈館主謹啟




光緒十三年八月二十六日

# 意大利車厘獸戲第一班



敬啟者本班馬戲及獸戲乃西優中之名班也向來周遊天下已有三十二年向荷官紳士商垂青稱賞前日本京城開演時蒙日皇召至御園演劇大加贊賞因賜本班大體一頭甚為雄偉蓋因本班所教各馬各異獸均極馴熟按部就班以是所到各埠無不鼓掌贊嘆誠西班中之巨擘也前曾在叻開演深荷 諸尊刻目相看踴躍往還上香港各埠茲由他埠再回買叻重新開演以應大觀此大除本班脚色並虎豹熊象外并又增猛獅數隻且本班所演各手段各雜戲無不異常翻新乃聚五大洲之內各名班而成一班是以聲名甚為廣被本班有善於教演諸獸之戲師各獸均經彼教訓馴熟無不按照就班能合節奏觀者望節歡賞所有諸獸怪奇奇未能悉數能自排鼓樂手在場演新聲美調出色異常令人入耳怡神聽之忘倦竊謂中國紳商於中國之戲固已嗜之熟矣所唱演者無非傳奇故事曾未有若此之奇巧悅目者也本班現已抵叻定於西歷本月十二號即華八月二十七日即禮拜四之夜起以後仍在本坡升旗山舊日戲場處重新開演若日間有童子到看則演畢而後更配馴象與之騎坐以遺天懷願諸尊至時勿負此典焉謹列時刻戲價於後 每晚開八點鐘開門賣票九點鐘開演日開三點鐘開門四點鐘開演

六椅對排官位收銀九元 一號校椅官位收銀一元半  
一號坐位收銀一元 二號坐位收銀六角  
三號坐位收銀三角 童子及營兵每位收銀一角



意大利車厘獸戲第一班謹啟

實勝越當碼招商 ○敬啟者茲實越勝全境所投之當碼將次屆期茲欲招商承充接辦當務該碼以三年為期由西一千八百八十八年正月一號起至一千八百九十年十二月三十一號止此三年中所有典當皆歸承辦人專辦倘 諸紳商等有欲承充此碼者可於西本年十二月一號即華十月十七日以前將投票書至實勝越碼時參看內或本代理人處接收代寄以憑秉取幸其踴躍特此預聞  
大英一千八百八十七年十月十二號 代理實勝越碼國家事務人然申洋行謹啟

承頂告白 ○啟者本坡中街第三十四號門牌福源號原日合夥係作葉機公司生理開張有年基業鞏固現因股夥志欲別圖擬作分拆是以於本年六月終止截全請公親秉正即將全盤生理核算明白各執允中而舊股夥願將子母銀項領去清楚其福源號概歸與吳新科承受自受之後即將福源號生理遷移源順街第二十一號門牌德源內仍是作為福源字號生理所有舊底與各 寶號往來交易賬目倘有轉轉等情祈即移 玉至德源向福源理處庶幾清楚自分其標得直謹此佈告亦以各昭信誠而存古道云爾 佈  
大清光緒十三年八月二十五日 大英一千八百八十七年十月十一號 承受福源號吳新科敬啟

玉皇殿落成 ○啟者芳林巴頂所建之 玉皇殿係虞供 玉皇上帝及諸天君之所殿宇業已落成曾經開光安座以備諸善信參拜凡我坡中及中國各籍人等有誠心往祭 玉皇上帝及諸天君者無論何時均可到殿參拜俾得善緣廣結福地同登有厚望焉  
大清光緒十三年丁亥八月二十五日 章苑生謹啟

召頂告白 ○敬啟者本號所有貨物並一切家器等件均欲出頂與人 諸親友倘有合意承頂者請祈移玉面酌此告達  
大清光緒十三年丁亥八月十九日 十八間後恒和祥謹啟

烟土出沽 ○啟者茲本號存有第九帶鴉牙烟土一百箱並有第十帶之烟土浮水一百箱茲欲出售於人價甚相宜 諸君有合意者請即 惠臨購買可也  
大清光緒十三年丁亥八月十四日 舊巴虱益昌號 劉壬寅 劉傳祿同啟

